

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 100392 24 K
Visoko, 16.04.2024.godine

U IME FEDERACIJE BOSNE I HERCEGOVINE!

Općinski sud u Visokom, po sudiji Hani Hajdo-Ferhatović, uz sudjelovanje zapisničara Nikoline Mišković u krivičnom predmetu protiv optuženog optuženog Z.Z., sin T., iz V., zbog krivičnog djela Nasilje u porodici iz člana 222. stav 2. KZ F BiH, po optužnici Kantonalnog tužilaštva ZDK broj: T04 0 KT 0054622 23 od 26.12.2023. godine, a koja je potvrđena od strane ovog suda dana 28.12.2023. godine, u prisustvu tužiteljice Edine Čehajić i optuženog Z.Z. na pretresu za izricanje krivično pravne sankcije dana 16.04.2024. godine donio je i javno objavio :

P R E S U D U

OPTUŽENI: Z.Z., sin T. i majke T. rođene H., rođen 20.05.1968. godine u V., gdje je i nastanjen u ulici Lj. broj ..., po narodnosti Rom, nezaposlen, oženjen, lošeg imovinskog stanja, državljanin BiH, JMB: ..., osuđivan

K R I V I J E :

Što je: dana 29.04.2023. godine, oko 01,30 sati, na području grada V., u ulici Lj. broj ..., u porodičnoj kući u kojoj živi u zajedničkom domaćinstvu sa svojom suprugom A., drskim i bezobzirnim ponašanjem u više navrata ugrozio mir i psihičko zdravlje svoje supruge, na način da je istu omalovažavao, galamio, upućivao prijetnje i psovke, nakon čega je istu istjerao iz kuće, a kada se ona vratila, ponovo je istjerao iz kuće oko 06,30 sati, pa iako je znao i bio svjestan da takvim postupanjem može ugroziti mir, psihičko i fizičko zdravlje člana svoje porodice, što je i htio, nakon čega je A. policiji prijavila događaj,

dakle, nasiljem i drskim ponašanjem ugrozio mir, tjelesnu cjelovitost i psihičko zdravlje člana svoje porodice sa kojom živi u zajedničkom domaćinstvu,

čime je učinio krivično djelo Nasilje u porodici iz člana 222. stav 2. KZ F BiH.

Pa sud optuženom na osnovu istog zakonskog propisa : te na osnovu članova : 42., 49., i 62 KZ FBiH, i z r i č e :

U S L O V N U O S U D U

Kojom se optuženom Z.Z.u utvrđuje kazna zatvora u trajanju od 6 (šest) mjeseci, koja kazna se neće izvršiti ako optuženi u roku od 1 (jedne) godine od dana pravomoćnosti ove presude ne počini novo krivično djelo.

Na osnovu člana 212. stav 3. ZKP FBiH oštećena Z.A.se upućuje na parnicu sa imovinsko pravnim zahtjevom.

Na osnovu člana 202. stav 4. Zakona o krivičnom postupku Federacije Bosne i Hercegovine, optuženi se oslobađa plaćanja troškova krivičnog postupka i isti padaju na teret budžetskih sredstava.

Obrazloženje

Kantonalno tužilaštvo-tužiteljstvo Zeničko-dobojskog kantona (u daljem tekstu KT ZDK) optužnicom broj T04 0 KT 0054622 23 od 26.12.2023. godine. optužilo je Z.Z., sin T., iz V., zbog krivičnog djela asilje u porodici iz člana 222. stav 2. KZ F BiH. (u daljem tekstu KZ FBiH), a koje je izvršeno na način, u vrijeme i u mjestu kako je to navedeno u dispozitivu ove presude.

Optužnica je potvrđena od strane sudije za prethodno saslušanje ovog suda dana 28.12.2023.godine i na ročištu o izjašnjenju o krivnji dana 27.02.2024. godine optuženi se izjasnio da je kriv.

Na ročištu o razmatranju izjave o priznanju krivnje dana 16.04.2024. godine, sud se uvjerio da je optuženi Z.Z. izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama, uključujući i posljedice vezane za imovinsko pravni zahtjev oštećene i troškove krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi Z.Z. počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predočene dokaze i to: Standardizirani policijski izvještaj PS Visoko broj: FD-04-10-23-948 od 29.04.2023. godine, Zapisnik o uviđaju PS Visoko broj: 08-02-09/1-97/23 od 29.04.2023. godine, Alkotest na ime Z.Z. od 29.04.2023. godine, Rješenje Općinskog suda u Visokom broj: 41 0 Pr 097466 23 Pr od 29.04.2023. godine, Izvod iz kaznene evidencije za osumnjičenog Z.Z. PS Visoko od 20.07.2023. godine, zapisnik o ispitivanju osumnjičenog Z.Z. PS Visoko broj: 08-02-09/1-346/23 od 29.04.2023. godine, zapisnik o saslušanju svjedoka-oštećene Z.A. PS Visoko broj: 08-02-09/1-345/23 od 29.04.2023. godine, zapisnik o saslušanju svjedoka S.E. PS Visoko broj: 08-02-09/1-1247/23 od 22.12.2023. godine.

Naime, priznanjem optuženog koji je u potpunosti i u skladu sa predočenim dokazima, a naročito sa izjavama oštećene i saslušanog svjedoka, kao i standardiziranom policijskom izvještaju PS Visoko broj: FD-04-10-23-948 od 29.04.2023. godine i Zapisnikom o uviđaju PS Visoko broj: 08-02-09/1-97/23 od 29.04.2023. godine, kao i drugim dokazima, nesporno je dokazano da je isti počinio krivično djelo koje mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, a sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predloženih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga ga je sud za navedeno krivično djelo oglasio krivim i kaznio.

Prilikom izricanja krivično pravne sankcije sud je cijenio optuženom Z.Z. kao olakšavajuće okolnosti činjenicu da je priznao izvršenje krivičnog djela koje mu se stavlja na teret čime je u mnogome doprinio utvrđivanju činjeničnog stanja i skraćanju krivičnog postupka, da se radi o bolesnoj osobi koja već duži period ide na liječenje, nezaposlen, teškog imovinskog stanja, a od otežavajućih okolnosti je cijenio da je kažnjavan Presudom Općinskog suda u Zenici broj 43 0 K 219977 22 Kps od 23.01.2023. godine, pravosnažna dana 06.02.2023. godine kojom je osuđen za krivično djelo Utaja iz člana 290. stav 5 KZ FBiH, u okviru kojem mu je izrečena uslovna osuda, utvrđene kazne zatvora od 2 (dva) mjeseca, vrijeme provjeravanja 1(jedna) godina. Iako se radi o osobi koja je ranije kažnjavana sud ističe i činjenicu da se ne radi o specijalnom povratniku, jer mu je izrečena kazna za krivično djelo protiv imovine.

Cijeneći olakšavajuće i otežavajuće okolnosti na strani optuženog, sud je optuženom Z.Z. za navedeno krivično djelo utvrdio kaznu zatvora u trajanju od 6 (šest) mjeseci, koja kazna se neće izvršiti ako optuženi u roku od 1 (jedne) godine od dana pravomoćnosti ove presude ne počinu novo krivično djelo, u uvjerenju da će se mjerom upozorenja, uvjetnom osudom, ostvariti svrha kažnjavanja predviđena u članu 42. KZ FBiH (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), te postići kako opća tako i specijalna prevencija.

Na osnovu člana 202. stav 4. Zakona o krivičnom postupku Federacije Bosne i Hercegovine, optuženi se oslobađa plaćanja troškova krivičnog postupka i isti padaju na teret budžetskih sredstava, jer je sud uvjerenja da bi plaćanjem istih bilo dovedeno u pitanje izdržavanje optuženog kao i osoba koje je dužan da izdržava.

Na osnovu člana 212. stav 3. Zakona o krivičnom postupku Federacije Bosne i Hercegovine (Službene novine FBiH broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13 i 59/14), sud je oštećenu sa imovinsko pravnim zahtjevom uputio na parnični postupak, jer podaci krivičnog postupka ne pružaju pouzdan osnov niti za djelimično niti za potpuno presuđenje.

Sudija
Hana Hajdo-Fehatović

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.